

ralis proposita est: non tamen eo considerandi modo, in quem Chymicus suas diuertit molitiones, vt morbū destruat, sanitatem redintegret. Est ergo Chymicὸς ἀρχιτεχνικὸς & princeps efficiens caussa, Medicus: qui tamē id dum præstat, Medici nomen amittit, solo Chymici contentus, nō aliter, quā idē à diuerso medicandi scopo, χειρουργικὸς vocatur, & Διαιτητικὸς. Etenim si vel historicè saltē veterum mores examinemus, illos ipsos, proprijs manibus elaborata remedia sollicitè adhibuisse cōperiemus. Et quis vnquam Medicis antiquis Hebræis, Aegyptijs, Græcis parastatas alios succurrisse p̄babit, qui hoc quicquid numeris esset, otiosis ipsis, satis sufficienterque expleret? Theodorus Zuingerus in quarto Volumine Theatri vitæ humanæ id ipsū clarè dicit & ingenuè: veteres Medici, inquit, quod ex Hippocrate & Galeno & Græcis posteriorib. satis apparet, ipsi suis manibus medicamenta cōponebant, & potissimū, vt in agēdo magna erat efficacia, sic magnam in præparando diligentiam requirebant. Etsi enim opera hæc mechanica, & à Medici digni-

*Antiqui
Medici suis
manibus
medicamēta
parauēre.*

*Lib. 2. fol.
2240.*